

Izjava OHR-a na konferenciji za medije međunarodnih organizacija

Visoki predstavnik u Washingtonu, New Yorku na konsultacijama sa zvaničnicima SAD-a, Svjetske banke i UN-a

Visoki predstavnik, Paddy Ashdown boravi u Sjedinjenim Američkim Državama. Suština razgovora koje će visoki predstavnik voditi u Washingtonu i New Yorku biti će sadašnji status napora koje BiH provodi da bi osigurala prijem u Partnerstvo za mir, te započela pregovore o Ugovoru o sigurnosti i pridruživanju sa EU. Razgovori će se fokusirati na mјere za deblokiranje zastoja u priključenju euro-atlantskim integracijama stvorenog neadekvatnom saradnjom koju je BiH ponudila Međunarodnim sudom za ratne zločine u Hagu.

Visoki predstavnik je jučer imao sastanak sa sekretarom odbrane SAD-a Donaldom Rumsfeldom, na kojem su razgovarali o reformi sigurnosnog sektora BiH. Visoki predstavnik je izvjestio sekretara odbrane o reformama u pitanjima odbrane, policije, te obavještajnim reformama koje će dozvoliti BiH da izađe u susret izazovima globalne sigurnosti.

Danas će visoki predstavnik govoriti na seminaru u organizaciji Instituta za mir SAD-a, te će imati razgovore sa višim zvaničnicima administracije SAD-a. Visoki predstavnik će se sutra sastati sa ambasadorom SAD-a za ratne zločine Pierre Prosperom, nakon kojega će imati sastanak sa predsjednikom Svjetske banke James Wolfensonom. U četvrtak, visoki predstavnik će se obratiti Vijeću sigurnosti UN-a te imati razgovore sa generalnim sekretarom UN-a Kofi Ananom i generalnim pod-sekretarom za održavanje mira Jean-Marie Guehenno. Više podataka o ovim sastancima objavićemo kada ih budemo imali.

Predstavnički dom Federacije BiH urgirao da se sačuva novac građana

Zakon o ulaganju javnih sredstava u ovom trenutku nalazi se ispred Doma Naroda Parlamenta Federacije. Predstavnički Dom ga je već usvojio. Ovaj zakon je preostali dio zakonodavstva u paketu mjera za čije su se provođenje tri premijera obavezala krajem prošle godine nakon otkrića raširenih zloupotreba u izvještajima specijalnih revizora o javnim kompanijama

Zakon o javnom novcu napravljen je da bi osigurao da se efikasno spriječi ona vrsta neodgovorne i kriminalne zloupotrebe javnih sredstava, kakvu smo vidjeli, na primjeru slučaja Privredne banke Srpsko Sarajevo. Na primjer, zakon bi bio spriječio da grad Bijeljina položi 2.2 miliona KM u Banku.

Narodna skupština RS je već donijela Zakon o javnom novcu. Još je ostalo da Dom Naroda Federacije diskutira o ovom zakonu. OHR poziva da se o ovom zakonu diskutira na slijedećem zasjedanju Doma 23/24. novembra, te da Dom Naroda usvoji mali broj amandmana na zakon koji je usvojio Zastupnički Dom, da bi se izbjegao dugotrajni process harmonizacije.

Čim prije ovaj zakon bude donesen, prije će građani biti zaštićeni od nepoštene manipulacije njihovim novcem od strane beskrupuloznih i nekompetentnih javnih službenika.

Inicijativa da se uspostavi Ministarstvo poljoprivrede BiH

Predsjedavajući vijeća ministara BiH Adnan Terzić, šef delegacije EC Michael Humphreys i prvi zamjenik visokog predstavnika Donald Hays, otvorit će važnu konferenciju o poljoprivredi sutra u Sarajevu. Konferencija će se baviti nalazima funkcionalnog pregleda poljoprivrednog sektora koje je provela Europska Komisija. To podvlači pravne i

administrativne nedostatke koji u ovom trenutku sprječavaju BiH zemljoradnike da prošire proizvodnju, adekvatno reklamiraju svoje proizvode u BiH i u inostranstvu, te stvaraju nova radna mjesta u zemljoradničkim područjima. Jasno je da bi stvaranje ministarstva za poljoprivrodu na državnom nivou moglo olakšati mnoge od ovih teškoća. Kapacitet poljoprivrednog sektora za obilnu proizvodnju jeftine hrane za domaću i međunarodnu konzumaciju nepotrebno su umanjeni preklapajućim i često kontradiktornim propisima te komplikiranom brokracijom – konferencija će se baviti političkim i administrativnim koracima koji se moraju poduzeti da bi se popravilo ovo nepotrebno nezadovoljavajuće stanje.